



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessionale, || In Qvo || Vniversa || Materia De ||
Confessione Pec-||catorvm Apvd Catholicos || vsitata per
Quæstiones explicatur**

Eisengrein, Martin

Ingolstadii, 1577

VD16 E 795

Capvt XI. Complectitur Precationes aliquot, quibus poenite[n]s, peracta
coram Sacerdote suoru[m] peccatorum Confeßione, & accepta
Absolutione, salubriter vti potest.

urn:nbn:de:hbz:466:1-30362

Continēs Precationes
aliquot, quibus pœni-
tēs, peracta coram Sa-
cerdote suorum pec-
catorum Cōfessione,
& accepta Absolutio-
ne, salubriter vti
potest.

PRIMA PRECATIO

Pœnitentis.

*Qua vti potest à Confessione
peccatorum.*



CLEMENS, ac benigne
Creator, qui mihi nunc certum
in animi mei calamitatibus per-
fugium extitisti, gratias ago im-
mortales tibi, quòd grauisimam peccatorū
meorum sarcinam deposuerim, et veteri illo
R 6 prorsus

Caput XI. Precationes

prorsus Adam abiecto, nouæ vitæ cursum ingressus sum, quem, vt te autore suscepi, sic precor, vt adiutore perficiam, confirmata in me ea voluntate, qua me omninò cumlatè beâsti.

Neque verò iam tuorum ego Sacramentorum vim, ac robur ignorare possum, propterea, quòd maior me multò nunc afficit animi tranquillitas, ac mentis lætitia, quàm priusquàm peccata mea ex præscripto tuo, Confessione legitima expiâssim; nunc enim planè sentio, vbi delictum antea abundauerat, gratiam multò copiosius superabundare: Quanquàm, ne mihi quidem id audeam polliceri, melius me videlicet in posterum, atque sanctius victurum, quàm olim, nisi tuo me præsidio, ac fauore tuearis, atque conserues.

Et profectò, quod ad me attinet, sic omnes flagitiorum occasiones mihi præcidam, tamquàm; singulis momentis, tuæ gratiæ cupidus, auribus tuis adero, quam summam eius mihi necessitatem incumbere non ignoro, vix enim quicquam ego vel aggredi potero, vel perficere, in hac virium mearum imbecillitate, nisi me tu ipse auxilio tuo confirmes, atque suffulcias.

Agnosco nunc demùm, optime Parens, quantum sit præsidij, ac lucris spiritualis repositum in huius sacre Confessionis vsu, ad quam multò me, quàm antea frequentius accessurum polliceor, quamuis non me lateant

car-

carnis ac Dæmonis insidiæ, quibus, quoties à tam sancto opere sum reuocatus? Et quid superest ad hæc, nisi vt mihi ipsi sedulo caueam, ne deterior iterato lapsu fiam, adeoq; sim in rem meam ipse attentus, ne vel minimum quidem peccatum in me di'simulem, quod non acerbè corripiam atque castigem?

Qua in re, tum ego demum præclarè proficiam, cum meas ad examen virtutis actiones accuratè, sub noctem quotidie reuocauero, notatis iis, quæ vitiosæ fuerint, vt tuo celesti beneficio deleantur: Eas autem quas secundum te rectas, ac iustas deprehendero, sic tibi vni ascribam, vt tam te bonorum omnium meorum, si quæ vnquã à me fient, autorem prædicem, quàm certissimum in posterum spero habiturum adiutorem, Per Iesum Christum filium tuum in vnitæte Spiritus sancti, Amen.

ALIA DEVOTISSIMA
precatio post Confessionem
dicenda.

IN vnione doloris tui, qui causam doloris mei assumpsisti, & emendationem pro peccatis meis suscepisti, Domine Iesu Christe, cum vniuersitate dolentium & verè poenitentium, & te in veritate quærentium cõ-

R 7 lateor

Caput XI. Precationes

fiteor tibi omnia peccata mea commissa, & bona omissa, vel non purè aut negligenter facta, sicut tu ea nosti in numero, pondere & mensura; & dies perditos vitæ meæ, in quibus te offendi & laudem tuam minui: Et à te summo bono cecidi, & proximum in casum traxi.

Suscipe ergo, **DOMINE**, de mea misera vita residuum annorum meorum: Pro his verò, quos viuendo perdidisti, quia perditè vixi, cor contritum & humiliatū **DEVS** non despicias. Dies mei declinauerunt & perierunt sine fructu. Impossibile est enim vt reuocem eos: sed placeat tibi vt reuocem illos in amaritudine animæ meæ: **DOMINE**, abyssus profundissimæ miseriæ meæ, abyssum inuocat altissimæ misericordiæ tuæ. Ne contineas in ira miserationes tuas, & fontem inexhaustæ misericordiæ tuæ circa me exsiccare non permittas propter peccata mea qui misereris omnium, & nihil odisti eorum quæ fecisti, dissimulans peccata hominum propter poenitentiam.

Tuum est **DOMINE** remittere peccata; miserere mei, iam tempus est gratiæ & miserationis, & dum tempus est emendationis, da mereri gloriam benedictionis, ne in die consummationis me feriat verbum maledictionis. Fac me, quaeso, **DOMINE**, assuetæ mala relinquere, & tibi placita opera agere

ra agere, & vt studium, quod hucusque in peccatis exercui, te adiuuante, deinceps in tua voluntate exerceam, vt vbi abundauit delictum, ibi tua gratia redundet: Et rogo te propter temetipsum, & per amorem piissimæ matris tuæ gloriosæ Virginis Mariæ, & per intercessionem omnium Sanctorum tuorum, atque electarum tuarum, vt ignoscas omnibus peccatis, negligentis & ignorantis meis; Et ne perdas me cum iniquitatibus meis, neque in finem iratus referues mala mea.

Recordare Domine Iesu, quia tuum non est perdere quicquam ex eo, quod Pater tuus dedit tibi; sed tuum est proprium misereri semper & parcere, neminem perdere, sed saluare; quia Pater tuus misit te in mundum, non vt iudices mundum, sed vt vitam habeamus per te, vt sis pro nobis, non contra nos. Quod enim debuimus, tu solutisti, quod, peccauimus, tu luisti, quod negleximus tu supplesti.

Proficiat ergo, DOMINE, nunc & in extremis meis plenaria, imò superflua satisfactio tua, amara mors tua, & precium fusi sanguinis tui, renouatio satisfactionis tuæ, venerabile mysterium corporis & sanguinis tui, quod tibi quotidie offertur in Ecclesia pro salute fidelium, in quo es tu ipse Sacerdos & sacrificium, ille qui offert, & ille, cui offertur,

offertur,

Caput XI. Precationes

offertur, & hoc quod offertur ad prome-
rendum in presenti gratiam, quam non me-
rui, ad obtinendum in futuro requiem &
gloriam, quam tua pia passio impetrauit.
Imperfectum meum Domine viderunt ocu-
li tui. Sed tu, pie DEVS, ne imputes mihi
ad æternum supplicium, qui omnia ad sum-
mum & profectum bonum optimè & per-
fectissimè præordinasti. Et ne permittas me
deleri de libro vitæ, sed offer mihi portio-
nem, quæ me contingit in subsidium, tuæ
videlicet preciosæ passionis, cum qua ho-
minem voluisti habere tibi cohæredem in
terra viuentium.

Te igitur Domine moueat & inclinet ad
misericordiam humanæ fragilitatis confi-
deratio, qui nôsti quæ sit hominis substan-
tia; Et quod non vanè constitueris homi-
nem super terram; & conserva in me opus
tuæ pietatis. Ne incassum circa me labora-
ueris, et ne infructuosa sit in me immaculati
cruoris tui effusio. Tu enim qui es purifica-
tionem faciens peccatorum, præsta, vt emē-
datus à peccatorum sordibus & illuminatus
acie mentis cognoscam te, teque agnoscens
in directione cordis mei iugiter ad te ten-
dam, vt felici exitu ad te merear peruenire
Iesu Christe. Qui cum DEO Patre in vnita-
te Spiritus sancti viuis & regnas per omnia
sæcula sæculorum, Amen.

TER.

TERTIA PRECATIO

Pœnitentis.

*Qua post Confessionem Sacerdoti
factam uti potest.*

CONFITEOR tibi DOMINE Rex, & col-
laudabo te DEVM Salvatorem meum:
Confiteor nomini tuo magno, quoniam
adiutor & protector factus es mihi, & libe-
rasti corpus meum & animam meam à per-
ditione. Confiteor etiam tibi & beatæ Ma-
riæ, sanctoque Ioanni Baptistæ, & Angelo
mihi ad custodiã deputato: Et Sanctis quo-
rum reliquiæ in loco præsentis habentur, &
omnibus electis tuis omnia, quæ commisi
vel omisi per superbiam, negligentiam; in-
firmitate, suggestionem, delectationem, consen-
su, cogitatione locutione, & opere, & qui-
buscunque aliis modis offendi. Profiteor me
errasse, deliquisse, & peccasse ultra omnes
peccatores.

Quamobrem obsecro immensitatẽ Cle-
mentia ac Pietatis tuæ, vt omnia peccata
mea mihi dimittas, & non permittas me
amplius aliquid contra te committere aut
tentari supra virtutem meam; Sed concede
per gratiam tuam, vt omnes aduersitates, &
prosperitates mihi vertantur in probatio-
nem & salutem. Benedico te DEVS coeli &
terræ; glorifico & exalto nomen tuum, lau-
do &

302 *Caput XI. Precationes*

do & beatifico, honorifico magnificentiam tuam, adoro veneror & sanctifico maiestatem tuam, virtutem, diuinitatem & sapientiam, fortitudinem, honorem, & gloriam ac benedictionem offero Trinitati unitatis tuæ.

Iterum atque iterum Deus meus gratias ago potentiae tuæ pro eo, quod fecisti cœlum & terrā, mare, & omnia quę in eis sunt. Et misisti ad redemptionem nostram unicum Filium tuum, & ad remissionem peccatorum & collationem donorum per eundē Spiritum sanctum tuum. Deniq; pro vniuersa Ecclesia Catholica, & scripturis sanctis & cunctis ordinibus & Sacramētis Ecclesiasticis, & pro omni populo Christiano, & ciuitatis quę eueniunt eis. Tandem pro meipso, pro eo quod manus tuæ plasmauerunt me ad tuam dignam similitudinem; Et quia baptizatus & confirmatus; Et quia sola miseratione pietatis tuæ & cura sollicitudinis viuo, licet ingratus & indignus.

Tandem supplico clementiæ tuæ, vt sim potens & libens abominari & superare superbiam, auaritiam, Gastrimergiam, iram, luxuriam, acediam, gulam, & vanam gloriam, & cætera omnia vitia ac desideria carnalia, omnesque tentationes, cuncta spernere inutilia, cauere nociua, sustinere aduersa, prosequi salubria, meditari spiritualia, comprehendere cœlestia. Sim insuper Deus
meus,

meus, iuxta dictum tuum pauper spiritu,
mitis, lugens, esuriens, & sitiens iustitiam,
misericors, pacificus, mundus corde, persecu-
tionem patiens propter iustitiam: Prudens
vt serpens, simplex vt columba.

Postremo, obsecro misericordiae tuae im-
mensitatem, vt requiescat super me spiritus
sapientiae & intellectus, consilij & fortitu-
dinis, scientiae & pietatis, & Spiritus latissi-
mi timoris tuae gratiae & veritatis, fidei, spei,
& charitatis, prudentiae, temperantiae, for-
titudinis, atque iustitiae. Habeam etiam ex
abundanti largitatis tuae dono gratiam ver-
borum, cogitationum, & operum bonorum
sobrietate & discretionem, castitate & con-
stantiam mentis & corporis, perfectam pa-
tientiam, & in omni sanctitate vsque in fine
perseuerantiam, voluntatem & virtutem
in lege tua, & in operibus mandatorum.

Dispone etiam in me visum, auditum, odo-
ratum, gustum, loquelam, tactum, incessum,
renes, & omnia membra corporis & affe-
ctus animae, & visus eorum. Fac, ita agam, vt
in omnibus tibi placeam, & te glorificem
semper & vbique, & a te habeam Angelum
ad custodiendum, docendum & adiuuan-
dum me in omnibus. Nam ego pono cor-
pus & animam meam, & totam vitam in
tua dispositione & custodia.

Si verò est in his, quae postulo ali-
quid minus tibi placens, tu omnia dirigas
iuxta

iuxta

Cap. XI. Precat. post Confessionem.

iuxta Paternitatem tuam dulcissimam, & facias. Hoc solum singulariter & anxie Clementiam tuam deprecor, vt me tibi veraciter seruire facias toto corde, & toto corpore, omnibus diebus vite meæ, ac in omnibus adimplere voluntatem tuam, & peruenire ad consummationem perfectam, finem sanctum, & gaudium sempiternum, A M E N.
A M E N.

